



URED ZA REVIZIJU INSTITUCIJA BiH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

[www.revizija.gov.ba](http://www.revizija.gov.ba)



# **IZVJEŠTAJ O OBAVLJENOJ FINANSIJSKOJ REVIZIJI**

## **SUDA BOSNE I HERCEGOVINE ZA 2023. GODINU**

Sarajevo, juni 2024. godine





## Sadržaj

<b>I</b>	<b>MIŠLJENJE NEZAVISNOG REVIZORA.....</b>	<b>2</b>
1.	MIŠLJENJE O FINANSIJSKIM IZVJEŠTAJIMA .....	2
2.	MIŠLJENJE O USKLAĐENOSTI.....	4
<b>II</b>	<b>KRITERIJI KORIŠTENI U REVIZIJI.....</b>	<b>6</b>
<b>III</b>	<b>PREPORUKE ZA 2023. GODINU .....</b>	<b>7</b>
<b>IV</b>	<b>IZVJEŠTAJ O OBAVLJENOJ REVIZIJI .....</b>	<b>7</b>
1.	PREDMET I CILJ REVIZIJE .....	7
2.	OCJENA REALIZACIJE PREPORUKA IZ PRETHODNIH IZVJEŠTAJA .....	7
3.	DJELOKRUG, ORGANIZACIJA I RUKOVOĐENJE .....	8
4.	SISTEM INTERNIH KONTROLA .....	9
5.	BUDŽET SUDA ZA 2023. GODINU .....	10
6.	FINANSIJSKI IZVJEŠTAJI .....	10
6.1.	Pregled rashoda i izdataka iz budžeta .....	10
6.1.1.	<i>Usluge reprezentacije.....</i>	<i>10</i>
6.2.	Pregled prihoda i primitaka .....	11
6.3.	Bilans stanja .....	12
6.3.1.	<i>Potraživanja.....</i>	<i>12</i>
7.	ZAPOŠLJAVANJE I STATUS ZAPOSLENIH (ANGAŽOVANIH) OSOBA .....	12
8.	JAVNE NABAVKE .....	13
9.	KOMENTARI NA NACRT IZVJEŠTAJA .....	13
<b>PRILOZI.....</b>		<b>13</b>

# I MIŠLJENJE NEZAVISNOG REVIZORA

Mišljenje nezavisnog revizora se daje na osnovu obavljene finansijske revizije koja obuhvata reviziju finansijskih izvještaja i, u vezi s istom, reviziju usklađenosti aktivnosti, finansijskih transakcija i informacija s relevantnim zakonima i drugim propisima.

## 1. MIŠLJENJE O FINANSIJSKIM IZVJEŠTAJIMA

### *Mišljenje*

Obavili smo reviziju finansijskih izvještaja **Suda Bosne i Hercegovine** (u daljem tekstu: Sud) koji obuhvataju: bilans stanja na 31.12.2023. godine, pregled prihoda, primitaka i finansiranja po ekonomskim kategorijama, pregled rashoda i izdataka po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja po vrstama i projektima, pregled doznaka iz tekuće rezerve budžeta, te analizu iskaza - tekstualni dio, za godinu koja završava na taj dan.

**Prema našem mišljenju, finansijski izvještaji Suda prikazuju istinito i fer, u svim značajnim aspektima, finansijsko stanje imovine, obaveza i izvora sredstava na 31.12.2023. godine, te prihode i izvršenje budžeta za godinu koja se završava na navedeni datum, u skladu s primjenjivim okvirom finansijskog izvještavanja.**

### *Osnova za mišljenje*

Reviziju smo obavili u skladu sa Zakonom o reviziji institucija Bosne i Hercegovine<sup>1</sup> i Međunarodnim standardima vrhovnih revizionih institucija (ISSAI)<sup>2</sup>. Naše odgovornosti prema ISSAI standardima su detaljnije opisane u odjeljku *Odgovornosti revizora za reviziju finansijskih izvještaja*.

Nezavisni smo od Suda u skladu s etičkim zahtjevima koji su relevantni za našu reviziju prema ISSAI 130 - Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su revizionih dokazi koje smo pribavili dovoljni i odgovarajući da osiguraju osnovu za naše mišljenje.

### *Odgovornosti rukovodstva za finansijske izvještaje*

Rukovodstvo Suda je odgovorno za sastavljanje i fer prezentaciju finansijskih izvještaja u skladu s primjenjivim okvirom finansijskog izvještavanja na nivou institucija Bosne i Hercegovine tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu s računovodstvenim politikama i procedurama za korisnike budžeta institucija BiH. Ova odgovornost podrazumijeva i kreiranje, primjenu i

<sup>1</sup> Službeni glasnik BiH, broj 12/06

<sup>2</sup> Međunarodni standardi vrhovnih revizionih institucija (ISSAI) dio su Okvira profesionalnih objava Međunarodne organizacije vrhovnih revizionih institucija – IFPP okvira (INTOSAI Framework of Professional Pronouncements), koji čine tri nivoa objava: INTOSAI principi (INTOSAI-P), međunarodni standardi vrhovnih revizionih institucija (ISSAI) i INTOSAI smjernice (GUID).

održavanje internih kontrola koje su relevantne za sastavljanje i prezentaciju finansijskih izvještaja koji ne sadrže značajne pogrešne iskaze uslijed prijevare ili greške, odgovarajuća objelodanivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

### ***Odgovornosti revizora za reviziju finansijskih izvještaja***

Naši ciljevi su steći razumno uvjerenje o tome da li su finansijski izvještaji kao cjelina sačinjeni bez značajnog pogrešnog prikazivanja uslijed prijevare ili greške i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija obavljena u skladu s Međunarodnim standardima vrhovnih revizionih institucija uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donijete na osnovu tih finansijskih izvještaja.

Kao sastavni dio revizije, u skladu s Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- Prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili greške, oblikujemo i obavljamo revizione postupke kao reakciju na te rizike i pribavljamo revizione dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed greške, jer prijevare može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola.
- Stičemo razumijevanje internih kontrola relevantnih za reviziju kako bismo oblikovali revizione postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorilo rukovodstvo.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i da li finansijski izvještaji odražavaju transakcije i događaje na kojima su zasnovani na način kojim se postiže fer prezentacija.

S rukovodstvom komuniciramo u vezi sa, između ostalih pitanja, planiranim djelokrugom i vremenskim rasporedom revizije i važnim nalazima revizije, uključujući i one koji se odnose na značajne nedostatke u internim kontrolama koji su otkriveni tokom naše revizije.

## 2. MIŠLJENJE O USKLAĐENOSTI

### ***Mišljenje***

U vezi s revizijom finansijskih izvještaja Suda za 2023. godinu, obavili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

**Prema našem mišljenju, aktivnosti, finansijske transakcije i informacije Suda za 2023. godinu u skladu su, u svim značajnim aspektima, sa zakonima i drugim propisima koji su definisani kao kriteriji za datu reviziju.**

### ***Osnova za mišljenje***

Reviziju usklađenosti smo obavili u skladu sa Zakonom o reviziji institucija Bosne i Hercegovine i ISSAI 4000 - Standard za reviziju usklađenosti. Naše odgovornosti prema ovom standardu su detaljnije opisane u odjeljku *Odgovornosti revizora za reviziju usklađenosti*.

Nezavisni smo od Suda u skladu s etičkim zahtjevima koji su relevantni za našu reviziju prema ISSAI 130 - Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

### ***Odgovornosti rukovodstva za usklađenost***

Pored odgovornosti za sastavljanje i fer prezentaciju finansijskih izvještaja, rukovodstvo Suda je također odgovorno da osigura da su aktivnosti, finansijske transakcije i informacije u skladu s propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### ***Odgovornosti revizora za reviziju usklađenosti***

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim značajnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bi pribavili revizione dokaze o tome da li se sredstva koriste za odgovarajuće namjene i da li je poslovanje Suda, prema definisanim kriterijima, usklađeno s relevantnim zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i



propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 17.6.2024. godine

**GENERALNI REVIZOR**

Hrvoje Tvrtković, v. r.

**ZAMJENIK  
GENERALNOG REVIZORA**

Nedžad Hajtić, v. r.

**ZAMJENICA  
GENERALNOG REVIZORA**

Neda Močević, v. r.

## II KRITERIJI KORIŠTENI U REVIZIJI

Ured za reviziju institucija Bosne i Hercegovine (u daljem tekstu: Ured za reviziju) obavio je reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetu institucija BiH i međunarodnih obaveza BiH za 2023. godinu
- Zakon o finansiranju institucija BiH
  - Pravilnik o računovodstvu s računovodstvenim politikama i procedurama za korisnike budžeta institucija BiH
  - Pravilnik o finansijskom izvještavanju institucija BiH
  - Instrukcija o privremenom finansiranju institucija BiH za period januar - mart 2023. godine
- Zakon o plaćama i naknadama u institucijama BiH i podzakonski akti
- Zakon o plaćama i naknadama u sudskim i tužilačkim institucijama na nivou BiH
- Zakon o porezu na dohodak i Zakon o doprinosima (FBiH i RS)
- Zakon o javnim nabavkama i podzakonski akti
- Zakon o državnoj službi u institucijama BiH i podzakonski akti
- Zakon o radu u institucijama BiH i podzakonski akti
- Zakon o upravi i podzakonski akti
- Zakon o reviziji institucija BiH
- Zakon o internoj reviziji.



### III PREPORUKE ZA 2023. GODINU

Izveštajem o obavljenoj reviziji za 2023. godinu obuhvaćene su dvije preporuke koje se odnose na usklađenost. Radi se o novim datim preporukama.

## IV IZVJEŠTAJ O OBAVLJENOJ REVIZIJI

### 1. PREDMET I CILJ REVIZIJE

Predmet revizije su finansijski izvještaji Suda za 2023. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i odražavaju li bilansi u cijelosti rezultate poslovanja. Također, cilj revizije je procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkciju interne revizije.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

### 2. OCJENA REALIZACIJE PREPORUKA IZ PRETHODNIH IZVJEŠTAJA

U prethodnom Izveštaju o obavljenoj finansijskoj reviziji Suda (za 2022. godinu) Ured za reviziju izrazio je mišljenja i to:

- pozitivno mišljenje o finansijskim izvještajima sa skretanjem pažnje na:
  - *Nedostatke i slabosti vezane za evidenciju i naplatu potraživanja i*
- pozitivno mišljenje o usklađenosti.

U Izveštaju za 2022. godinu su date preporuke u cilju otklanjanja uočenih nepravilnosti, nedostataka i slabosti. Utvrdili smo da je Sud u 2023. godini realizovao svih pet datih preporuka. Preporuka iz izvještaja prethodnih godina (jedna preporuka) čija je realizacija bila u toku nije ponovljena u Izveštaju za 2022. godinu, a u 2023. godini je ocijenjena kao nerelevantna za dalje praćenje.

U narednoj tabeli prikazan je pregled ocjene realizacije prethodno datih preporuka.

Tabela 1. Detaljan pregled ocjene realizacije preporuka datih u 2022. godini

Br. prep.	Preporuke iz izvještaja za 2022. godinu	Status
1	Obračun naknade za vrijeme privremene spriječenosti za rad (bolovanje) sudijama i određenim kategorijama stručnog osoblja u Sudu u 2023. godini vršen je u skladu sa Zakonom o plaćama i naknadama u sudskim i tužilačkim institucijama na nivou BiH.	✔
2	Sud je izvršio provjeru podataka unesenih u pomoćne evidencije potraživanja te iste usaglasio s izrečenim presudama, postupcima koji se vode pred Sudom i evidentiranim uplatama u Glavnoj knjizi.	✔
3	Sud je sačinio detaljnu informaciju vezanu za problematiku naplate potraživanja po okončanim/pravomoćnim sudskim sporovima te s istom upoznao sve relevantne institucije BiH. <sup>3</sup>	✔
4	Popisom blagajne, potraživanja i obaveza na 31.12.2023. godine obuhvaćena su sva potraživanja Suda, uključujući i potraživanja po okončanim/pravomoćnim sudskim sporovima.	✔
5	Sud je procijenjene vrijednosti u Planu nabavki za 2023. godinu i u pojedinačnim odlukama o pokretanju postupka javne nabavke iskazao bez PDV-a.	✔

Tabela 1a. Detaljan pregled ocjene realizacije preporuka datih u ranijim godinama

Br. prep.	Preporuke iz prethodnih izvještaja	Status
2/2021	Zbog stava Ministarstva finansija i trezora BiH vezano za knjigovodstveno evidentiranje potraživanja iz pomoćnih evidencija u Glavnu knjigu, preporuka nije relevantna za dalje praćenje.	Ⓜ

Status: ✔ realizovana preporuka, Ⓜ preporuka koja nije mogla biti ocijenjena u revidiranom periodu ili nije relevantna za dalje praćenje<sup>4</sup>.

### 3. DJELOKRUG, ORGANIZACIJA I RUKOVOĐENJE

Sud je osnovan prema Zakonu o Sudu Bosne i Hercegovine<sup>5</sup> da bi se osiguralo efikasno ostvarivanje nadležnosti države Bosne i Hercegovine, poštovanje ljudskih prava i vladavine zakona na njenoj teritoriji.

Sud je nadležan za krivična djela utvrđena Krivičnim zakonom Bosne i Hercegovine i drugim zakonima Bosne i Hercegovine, kao i krivična djela utvrđena zakonima entiteta i Brčko distrikta Bosne i Hercegovine kada ta krivična djela ugrožavaju suverenitet, teritorijalni integritet, političku nezavisnost, državnu sigurnost i međunarodni subjektivitet Bosne i Hercegovine te ako mogu imati ozbiljne reperkusije ili štetne posljedice na privredu Bosne i Hercegovine, ili mogu izazvati druge štetne posljedice za Bosnu i Hercegovinu ili mogu izazvati ozbiljnu ekonomsku štetu ili druge štetne posljedice van teritorije datog entiteta ili Brčko distrikta Bosne i Hercegovine. U nadležnost Suda ulazi i upravna nadležnost, apelaciona nadležnost te druge nadležnosti dodijeljene zakonom.

<sup>3</sup> Inicijativa za usklađivanje zakonske regulative i adekvatno rješenje pitanja prinudne naplate potraživanja dostavljena je Visokom sudskom i tužilačkom vijeću BiH, Parlamentarnoj skupštini BiH, Ministarstvu pravde BiH, Misiji OSCE-a u BiH, Delegaciji Evropske unije u BiH i dr.

<sup>4</sup> Preporuka nije mogla biti ocijenjena u ovom ciklusu revizije, ali će biti ocijenjena kad se za to steknu uslovi ili nije relevantna za dalje praćenje jer realizacija ne zavisi od institucije.

<sup>5</sup> Službeni glasnik BiH, broj 49/09, 74/09 i 97/09

Pravilnikom o organizacionoj strukturi Zajedničkog sekretarijata i Ureda registrara Odjela I i Odjela II Suda iz 2024. godine<sup>6</sup> uređena je organizacija, djelokrug rada, način rukovođenja Sudom te opis radnih mjesta državnih službenika i zaposlenika. Pravilnikom su sistematizovana radna mjesta za 301 izvršioca, 10 volontera i 58 sudija.

Prema važećem Pravilniku, poslovi i zadaci iz nadležnosti Suda obavljaju se u okviru sljedećih organizacionih jedinica: Odjeljenja Suda (Krivično, Upravno i Apelaciono), Ureda registrara za Odjel I i Odjel II, Zajedničkog sekretarijata Suda i Jedinice interne revizije.

Sudom rukovodi predsjednik Suda koji je 27.1.2023. godine imenovan po drugi put na mandatni period od šest godina. Zbog suspenzije predsjednika Suda, Visoko sudsko i tužilačko vijeće BiH je 21.12.2023. godine imenovalo vršioca dužnosti predsjednika Suda.

#### 4. SISTEM INTERNIH KONTROLA

Sud je odgovoran za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

##### **Finansijsko upravljanje i kontrola:**

Sud je sačinio osnovne dokumente potrebne za uspostavu sistema finansijskog upravljanja i kontrole, postupajući u skladu sa Zakonom o finansiranju institucija BiH, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH. Sačinjen je popis i izvršeno mapiranje poslovnih procesa, utvrđeni i procijenjeni rizici te izrađen registar rizika. Uspostavljen je sistem izvještavanja rukovodstva o provedenim aktivnostima u vezi s uspostavom i razvojem sistema finansijskog upravljanja i kontrole.

U novembru 2023. godine imenovana je radna grupa za finansijsko upravljanje i kontrolu i upravljanje rizicima u Sudu BiH koja je sačinila Operativni godišnji akcioni plan za razvoj sistema internih finansijskih kontrola u Sudu BiH za 2023. godinu. Fokus radne grupe bio je usmjeren na ažuriranje mape poslovnih procesa i registra rizika i unos istih u PIFC aplikaciju kao i kontinuirano praćenje i procjena finansijskog upravljanja i kontrole u Sudu.

U skladu s tim, u decembru 2023. godine je ažurirana mapa poslovnih procesa pri čemu su dodana dva nova procesa<sup>7</sup> te ažuriran registar rizika u februaru 2024. godine.

Godišnji izvještaj o finansijskom upravljanju i kontroli za 2023. godinu je sačinjen i dostavljen Centralnoj harmonizacijskoj jedinici Ministarstva finansija i trezora Bosne i Hercegovine<sup>8</sup>.

---

<sup>6</sup> Broj Su-10-10/24

<sup>7</sup> Evidentiranje i naplata novčanih potraživanja i interna revizija.

<sup>8</sup> Navedena Jedinica ima obavezu sačinjavati i Vijeću ministara BiH dostavljati konsolidovani godišnji izvještaj o sistemu finansijskog upravljanja i kontrole u institucijama BiH koji sadrži informacije o stepenu uspostavljanja, napretku, stanju i aktivnostima koje su u izvještajnom periodu realizovane u oblasti razvoja sistema internih finansijskih kontrola, kao i o planovima za budući razvoj sistema internih finansijskih kontrola u institucijama BiH.

## 5. BUDŽET SUDA ZA 2023. GODINU

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2023. godinu<sup>9</sup>, Sudu su odobrena sredstva u ukupnom iznosu od 20.295.000 KM (tekući izdaci 19.846.000 KM i kapitalni izdaci 449.000 KM<sup>10</sup>).

Tokom godine izvršeno je usklađivanje budžeta koje se odnosi na ostvarene primitke po osnovu prodaje vozila u iznosu od 12.603 KM, sredstva novčanih donacija prenesena iz prethodnog perioda u iznosu od 133.636 KM i sredstva uplaćena u tekućoj godini u iznosu od 119.024 KM<sup>11</sup>.

Prema navedenom, Sud je u 2023. godini raspolagao sredstvima u ukupnom iznosu od 20.560.263 KM.

Sud je izvršio prestrukturisanje rashoda budžeta u ukupnom iznosu od 640.000 KM, koje je odobrilo Ministarstvo finansija i trezora BiH. Razlog prestrukturisanja je povećan broj istraga i predmeta u 2023. godini, odnosno obaveza prema advokatima po osnovu istih, što nije bilo moguće planirati prilikom izrade projekcije budžeta za 2023. godinu.

## 6. FINANSIJSKI IZVJEŠTAJI

Sud je sačinio Godišnji finansijski izvještaj za 2023. godinu i dostavio ga nadležnim organima i institucijama u skladu s važećim propisima i u utvrđenom roku. Analizom bilješki uz finansijske izvještaje konstatovano je da su iste sačinjene u skladu sa Pravilnikom o finansijskom izvještavanju institucija BiH.

### 6.1. Pregled rashoda i izdataka iz budžeta

U pregledu rashoda i izdataka po ekonomskim kategorijama-zbirno, u periodu od 1.1. do 31.12.2023. godine, ukupno ostvareni rashodi iskazani su u iznosu od 20.332.214 KM, što je za 228.049 KM manje u odnosu na raspoloživi (korigovani) budžet za 2023. godinu.

Vrijednosno značajni rashodi odnose se na: bruto plaće (14.339.107 KM), naknade troškova zaposlenih (1.548.615 KM), izdatke za telefonske i poštanske usluge (285.519 KM), izdatke za energiju i komunalne usluge (351.034 KM), ugovorene usluge (2.903.467 KM), kapitalne izdatke (455.402 KM) i novčane donacije (252.660 KM).

***Pregled rashoda i izdataka iz budžeta prikazan je u Tabeli I u prilogu Izvještaja.***

#### 6.1.1. Usluge reprezentacije

Ukupni troškovi reprezentacije u Sudu u 2023. godini iznosili su 7.335 KM, a budžetom odobrena sredstva za usluge reprezentacije iznosila su 20.000 KM.

<sup>9</sup> Službeni glasnik BiH, broj 22/23

<sup>10</sup> Do usvajanja budžeta za 2023. godinu, Sud je raspolagao sredstvima odobrenim prema Instrukciji o privremenom finansiranju institucija BiH za period januar - mart 2023. godine, broj: 05-16-2-8338-2/22 od 28.12.2022. godine, koju je donio ministar finansija i trezora Bosne i Hercegovine.

<sup>11</sup> Uplaćena donatorska sredstva u 2023. godini su iznosila 244.153 KM, ali su zbog zatvaranja projekata u 2023. godini, uplate u iznosu od 125.129 KM vraćene donatoru te nisu bile raspoložive Sudu.

Pravilnikom Vijeća ministara BiH o korištenju sredstava za reprezentaciju<sup>12</sup> definisani su uslovi i način korištenja sredstava za reprezentaciju u institucijama Bosne i Hercegovine, vrste reprezentacije, osobe s pravom korištenja sredstava za reprezentaciju, maksimalan iznos sredstava za reprezentaciju na godišnjem nivou, kao i obaveze institucija Bosne i Hercegovine u vezi s korištenjem sredstava za reprezentaciju. Prema navedenom Pravilniku reprezentacija podrazumijeva pravo na korištenje sredstava za ugostiteljske usluge zaposlenih u institucijama Bosne i Hercegovine, a u vezi s poslovima i zadacima vršenja nadležnosti i pripadajućeg djelokruga rada institucije, radi održavanja službenih i poslovnih kontakata i prijema gostiju. Navedeni Pravilnik ne predviđa mogućnost kupovine poklona zaposlenima iz sredstava reprezentacije.

U skladu s članom 11. Pravilnika Vijeća ministara BiH o korištenju sredstava za reprezentaciju, sve institucije su bile dužne da donesu interne akte, a Sud je Pravilnik o reprezentaciji i poklonima donio 2017 godine<sup>13</sup>. Pravilnikom o reprezentaciji i poklonima Suda definisano je da se pokloni koje Sud poklanja smatraju reprezentacijom i da se nabavljaju iz finansijskih sredstava namijenjenih reprezentaciji.

Tokom 2023. godine izvršena je nabavka poklona za sudije povodom njihovog odlaska u penziju ukupne vrijednosti 1.050 KM koji su evidentirani na usluge reprezentacije. S obzirom na to da zakonski i podzakonski akti ne predviđaju poklone zaposlenima u institucijama Bosne i Hercegovine, navedeni trošak nema karakter troška nastalog za potrebe obavljanja redovnih poslova i zadataka Suda, zbog čega se ne može prihvatiti opravdanost njegovog nastanka i izmirenja na teret budžeta.

#### **PREPORUKA 1**

**Sud je prilikom korištenja budžetskih sredstava dodijeljenih za usluge reprezentacije dužan osigurati namjensko trošenje istih.**

Također, na većini računa za usluge reprezentacije u 2023. godini nije navedeno obrazloženje odnosno povod nastanka troška na način kako je to definisano članom 8. Pravilnika Vijeća ministara BiH o korištenju sredstava za reprezentaciju. Izostanak obrazloženja povoda nastanka troška otežava praćenje utroška reprezentacije, odnosno potvrdu da li je ista nastala u vezi s poslovima i zadacima Suda.

#### **PREPORUKA 2**

**Potrebno je osigurati obrazloženje nastanka troška od strane osoba koje koriste dodijeljena budžetska sredstva za reprezentaciju.**

### **6.2. Pregled prihoda i primitaka**

Ukupno ostvareni prihodi i primici po ekonomskim kategorijama u periodu od 1.1. do 31.12.2023. godine, iskazani su u iznosu od 3.157.866 KM, što je za 443.134 KM manje u odnosu na prihode i primitke planirane za 2023. godinu.

Značajni prihodi odnose se na: prihode od novčanih kazni (2.432.014 KM), prihode od taksi (469.096 KM) i prihode od primljenih donacija (244.153 KM).

<sup>12</sup> Sl. glasnik BiH, broj 26/14, 78/15, 53/17, 62/17, 1/21 i 63/21

<sup>13</sup> Pravilnik o reprezentaciji i poklonima broj: Su: 03-810/17 od 24.3.2017. godine

**Pregled prihoda i primitaka prikazan je u Tabeli III u prilogu Izvještaja.**

### **6.3. Bilans stanja**

U bilansu stanja na 31.12.2023. godine iskazana su ukupna sredstva u iznosu od 861.059 KM. Ukupne obaveze s izvorima sredstava iskazane su u iznosu od 3.088.033 KM.

Značajne stavke bilansa stanja odnose se na neotpisanu vrijednost stalnih sredstava (835.501 KM), obaveze prema dobavljačima (670.526 KM), obaveze prema zaposlenima (1.308.679 KM) i kratkoročna razgraničenja (273.326 KM).

**Bilans stanja prikazan je u Tabeli II u prilogu Izvještaja.**

#### **6.3.1. Potraživanja**

Na 31.12.2023. godine Sud je u bilansu stanja iskazao kratkoročna potraživanja u iznosu od 19.004 KM, ista se odnose na ostala potraživanja.

Ukupna potraživanja po osnovu sudskih taksi na 31.12.2023. godine iznose 61.166 KM, a potraživanja po osnovu novčanih kazni u krivičnom postupku 30.118.097 KM. Strukturu prihoda od novčanih kazni u krivičnom postupku, shodno odredbama Krivičnog zakona Bosne i Hercegovine čine novčane kazne, zamjena kazne zatvora u novčanu, troškovi krivičnog postupka, troškovi paušala i oduzeta protivpravno stečena imovinska korist. Sud je navedena potraživanja objavio i detaljno obrazložio u zabilješkama uz finansijske izvještaje i ista su bila predmet godišnjeg popisa. Potraživanja su evidentirana u pomoćnim evidencijama Suda, ali još uvijek nisu evidentirana u Glavnoj knjizi Suda.

Ured za reviziju je u prethodnom periodu dao preporuku da se u saradnji s Ministarstvom finansija i trezora BiH preduzmu aktivnosti na iznalaženju odgovarajućeg modela za knjigovodstveno evidentiranje potraživanja iz pomoćnih evidencija u Glavnu knjigu. Sud je 14.12. 2022. godine održao sastanak s predstavnicima Ministarstva finansija i trezora BiH, a od Ministarstva je 16.12.2022. godine dobio odgovor da sudski sporovi i njihova vjerovatnoća naplate treba da budu predmet objave i detaljnih obrazloženja u tekstualnom dijelu godišnjeg izvještaja Suda te da isti ne predstavljaju potraživanja već potencijalne buduće budžetske prihode po osnovu kazni.

## **7. ZAPOŠLJAVANJE I STATUS ZAPOSLENIH (ANGAŽOVANIH) OSOBA**

Zakonom o budžetu institucija BiH i međunarodnih obaveza BiH za 2023. godinu odobreno je 288 zaposlenih u Sudu.

Na 31.12.2023. godine bile su 272 zaposlene osobe, a prosječan broj zaposlenih u 2023. godini za koje su isplaćene bruto plaće bio je 277.

## 8. JAVNE NABAVKE

Sud je donio Plan javnih nabavki za 2023. godinu, kako je propisano Zakonom o javnim nabavkama<sup>14</sup>.

Prema prezentovanim podacima<sup>15</sup>, Sud je u 2023. godini proveo 22 postupka javnih nabavki. Od navedenog broja, Sud je proveo šest otvorenih postupaka u vrijednosti od 340.038 KM i 16 konkurentskih postupaka u vrijednosti od 305.410 KM. Sud je putem direktnih sporazuma izvršio nabavke u vrijednosti od 48.269 KM.

U revidiranim procedurama javnih nabavki nisu uočeni značajni nedostaci.

## 9. KOMENTARI NA NACRT IZVJEŠTAJA

Sud je u ostavljenom roku dostavio komentare na Nacrt izvještaja o obavljenoj finansijskoj reviziji za 2023. godinu. U komentarima su prihvaćeni nalazi i preporuke revizije i prezentovane informacije o preduzetim aktivnostima na njihovom rješavanju u 2024. godini.

Reviziju u Sudu za 2023. godinu obavili su: Enes Alić - vođa tima, Nevena Kenjić - članica tima i Ana Rajić - članica tima.

**Vođa tima za  
finansijsku reviziju**

Enes Alić, v. r.

**Rukovodilac Odjela za  
finansijsku reviziju**

Danijel Jozić, v. r.

**Rukovodilac Odjela za  
razvoj, metodologiju i kontrolu  
kvaliteta finansijske revizije**

Mirsada Sijamić, v. r.

Broj: 02-16-1-848/24

### Prilozi

Tabela I - Pregled rashoda budžeta za 2023. godinu

Tabela II - Bilans stanja na 31.12.2023. godine

Tabela III - Pregled prihoda i primitaka za 2023. godinu

<sup>14</sup> Službeni glasnik Bosne i Hercegovine, broj 39/14 i 59/22

<sup>15</sup> Podaci iz tabelarnih pregleda sačinjenih za potrebe revizije

## Pregled rashoda budžeta za 2023. godinu

Sud BiH

Tabela I

Opis	Odobreni budžet	Usklađivanja budžeta	Ukupni budžet	Izvršenje budžeta	Procenat (5/4*100)
1	2	3	4 (2+3)	5	6
<b>1. Tekući izdaci</b>	<b>19.846.000</b>	<b>0</b>	<b>19.846.000</b>	<b>19.624.152</b>	<b>99</b>
Bruto plaće i naknade	14.953.000	-520.000	14.433.000	14.339.107	99
Naknade troškova zaposlenih	1.687.000	-100.000	1.587.000	1.548.615	98
Putni troškovi	21.000	0	21.000	11.302	54
Izdaci telefonskih i poštanskih usluga	260.000	30.000	290.000	285.519	98
Izdaci za energiju i komunalne usluge	350.000	20.000	370.000	351.034	95
Nabavka materijala	118.000	0	118.000	102.163	87
Izdaci za usl. prijevoza i goriva	10.000	0	10.000	4.293	43
Unajmljivanje imovine i opreme	0	0	0	0	
Izdaci za tekuće održavanje	126.000	-20.000	106.000	75.563	71
Izdaci za osiguranje	6.000	0	6.000	3.088	51
Ugovorene i druge posebne usluge	2.315.000	590.000	2.905.000	2.903.467	100
<b>2. Kapitalni izdaci</b>	<b>449.000</b>	<b>12.603</b>	<b>461.603</b>	<b>455.402</b>	<b>99</b>
Nabavka zemljišta	0	0	0	0	
Nabavka građevina	0	0	0	0	
Nabavka opreme	442.000	12.603	454.603	448.616	99
Nabavka ostalih stalnih sredstava	0	0	0	0	
Rekonstrukcija i investiciono održavanje	7.000	0	7.000	6.786	97
<b>3. Tekući grantovi</b>	<b>0</b>	<b>0</b>	<b>0</b>	<b>0</b>	
	0	0	0	0	
	0	0	0	0	
<b>4. Budžet-neposredna potrošnja (1+2+3)</b>	<b>20.295.000</b>	<b>12.603</b>	<b>20.307.603</b>	<b>20.079.554</b>	<b>99</b>
<b>5. Višegodišnja kapitalna ulaganja</b>	<b>0</b>	<b>0</b>	<b>0</b>	<b>0</b>	
	0	0	0	0	
<b>6. Novčane donacije</b>	<b>0</b>	<b>252.660</b>	<b>252.660</b>	<b>252.660</b>	<b>100</b>
IPA 2018		79.419	79.419	79.419	100
IPA 2019	0	173.241	173.241	173.241	100
<b>7. Programi posebne namjene</b>	<b>0</b>	<b>0</b>	<b>0</b>	<b>0</b>	
	0	0	0	0	
<b>8. Ukupno budžet (4+5+6+7)</b>	<b>20.295.000</b>	<b>265.263</b>	<b>20.560.263</b>	<b>20.332.214</b>	<b>99</b>

Rukovodstvo je Pregled rashoda budžeta po ekonomskim kategorijama odobrilo 29.2.2024. godine.

v. d. predsjednika Suda  
Minka Kreho



## Bilans stanja na 31.12.2023. godine

Sud BiH

Tabela II

Opis	31.12.2023.	31.12.2022.	Procenat (2/3*100)
1	2	3	4
<b>1. Gotovina, krat. potraživanja, razgraničenja i zalihe</b>	<b>25.558</b>	<b>11.569</b>	<b>221</b>
Novčana sredstva	6.554	10.409	<b>63</b>
Kratkoročna potraživanja	19.004	1.160	<b>1.638</b>
Kratkoročni plasmani	0	0	
Interni finansijski odnosi	0	0	
Zalihe	0	0	
Kratkoročna razgraničenja	0	0	
<b>2. Stalna sredstva</b>	<b>835.501</b>	<b>667.632</b>	<b>125</b>
Stalna sredstva	5.434.558	5.370.459	<b>101</b>
Ispravka vrijednosti	4.599.056	4.702.826	<b>98</b>
Neotpisana vrijednost stalnih sredstava	835.501	667.632	<b>125</b>
Dugoročni plasmani	0	0	
Dugoročna razgraničenja	0	0	
<b>UKUPNO AKTIVA (1+2)</b>	<b>861.059</b>	<b>679.202</b>	<b>127</b>
<b>3. Kratkoročne obaveze i razgraničenja</b>	<b>2.252.532</b>	<b>2.139.606</b>	<b>105</b>
Kratkoročne tekuće obaveze	670.526	611.816	<b>110</b>
Kratkoročni krediti i zajmovi	0	0	
Obaveze prema zaposlenima	1.308.679	1.397.032	<b>94</b>
Interni finansijski odnosi	0	0	
Kratkoročna razgraničenja	273.326	130.758	<b>209</b>
<b>4. Dugoročne obaveze i razgraničenja</b>	<b>0</b>	<b>0</b>	
Dugoročni krediti i zajmovi	0	0	
Ostale dugoročne obaveze	0	0	
Dugoročna razgraničenja	0	0	
<b>5. Izvori sredstava</b>	<b>835.501</b>	<b>667.632</b>	<b>125</b>
Izvori sredstava	835.501	667.632	<b>125</b>
Ostali izvori sredstava	0	0	
Neraspoređeni višak prihoda/rashoda	0	0	
<b>UKUPNO PASIVA (3+4+5)</b>	<b>3.088.033</b>	<b>2.807.238</b>	<b>110</b>

**Napomena:** Pravilnikom o finansijskom izvještavanju institucija Bosne i Hercegovine, čl.10. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo 29.2.2024. godine

v. d. predsjednika Suda

Minka Kreho

## Pregled prihoda i primitaka za 2023. godinu

Sud BiH

Tabela III

Opis	Planirani iznos u budžetu	Izmjene i dopune	Ukupno planirani iznos	Ostvareni iznos	Procenat (5/4*100)
1	2	3	4 (2+3)	5	6
<b>1. Neporezni prihodi</b>	<b>3.593.000</b>	<b>0</b>	<b>3.593.000</b>	<b>2.901.110</b>	<b>81</b>
Prihodi od preduzetničkih aktivnosti i imovine i prihodi od pozitivnih kursnih razlika	0	0	0	0	
Naknade i takse i prihodi od pružanja javnih usluga	553.000	0	553.000	469.096	<b>85</b>
Novčane kazne (neporezne prirode)	3.040.000	0	3.040.000	2.432.014	<b>80</b>
<b>2. Tekući transferi i donacije</b>	<b>0</b>	<b>0</b>	<b>0</b>	<b>244.153</b>	
Primljeni tekući transferi od stranih vlada i međunarodnih organizacija - donacije iz inostranstva	0	0	0	244.153	
Primljeni tekući transferi od ostalih nivoa vlasti	0	0	0	0	
Domaće donacije	0	0	0	0	
<b>3. Kapitalni primici</b>	<b>8.000</b>	<b>0</b>	<b>8.000</b>	<b>12.603</b>	
Kapitalni primici od prodaje stalnih sredstava	8.000	0	8.000	12.603	
Primici od finansijske imovine	0	0	0	0	
Primici od dugoročnog zaduživanja	0	0	0	0	
Primici od kratkoročnog zaduživanja	0	0	0	0	
<b>4. Ukupni prihodi i primici (1+2+3)</b>	<b>3.601.000</b>	<b>0</b>	<b>3.601.000</b>	<b>3.157.866</b>	<b>88</b>

Rukovodstvo je Pregled prihoda i primitaka po ekonomskim kategorijama odobrilo 29.2.2024. godine

v. d. predsjednika Suda

Minka Kreho